



माँ विन्धेश्वरी चालीसा



॥ दोहा ॥

नमो नमो विन्ध्येश्वरी,
नमो नमो जगदम्ब।
सन्तजनों के काज में,
करती नहीं विलम्ब ॥

॥ चौपाई ॥

जय जय जय विन्ध्याचल रानी।
आदिशक्ति जगविदित भवानी ॥

सिंह वाहिनी जै जगमाता।
जै जै जै त्रिभुवन सुखदाता ॥

कष्ट निवारिनि जय जग देवी।
जै जै सन्त असुर सुर सेवी ॥

महिमा अमित अपार तुम्हारी।
शेष सहस मुख वर्णत हारी ॥

दीनन का दुःख हरत भवानी।
नहिं देख्यो तुम सम कोउ दानी ॥

सब कर मनसा पुरवत माता।
महिमा अमित जगत विख्याता ॥

जो जन ध्यान तुम्हारो लावै।
सो तुरतहिं वांछित फल पावै ॥

तू ही वैष्णवी तू ही रुद्रानी।
तू ही शारदा अरु ब्रह्मानी ॥

रमा राधिका श्यामा काली।
तू ही मातु सन्तन प्रतिपाली ॥

उमा माधवी चण्डी ज्वाला।
बेगि मोहि पर होहु दयाला ॥

तू ही हिंगलाज महारानी।
तू ही शीतला अरु विज्ञानी ॥

दुर्गा दुर्ग विनाशिनी माता।
तू ही लक्ष्मी जग सुख दाता ॥

तू ही जान्हवी अरु उत्रानी।
हेमावती अम्ब निर्वाणी ॥

अष्टभुजी वाराहिनी देवा।
करत विष्णु शिव जाकर सेवा ॥

चौसट्ठी देवी कल्याणी।
गौरी मंगला सब गुणखानी ॥

पाटन मुम्बा दन्त कुमारी।
भद्रकालि सुनु विनय हमारी ॥

बज्र धारिणी शोक नाशिनी।
आयु रक्षिनी विन्ध्यवासिनी ॥

जया और विजया बैताली।
मातु संकटी अरु विकराली ॥

नाम अनन्त तुम्हार भवानी।
वरनै किमि मानुष अज्ञानी ॥

जापर कृपा मात तव होई।
जो वह करै चहै मन जोई ॥

कृपा करहु मोपर महारानी।
सिद्ध करिए अब यह मम बानी ॥

जो नर धरै मात तव ध्याना।
ताकर सदा होय कल्याना ॥

विपति ताहि सपनेहु नहिं आवै।
जो देवी कर जाप करावै ॥

जो नर कहँ ऋण होय अपारा।
सो नर पाठ करै शतबारा ॥

निश्चय ऋण मोचन होई जाई।
जो नर पाठ करै मन लाई ॥

अस्तुति जो नर पढ़े पढ़ावै।
या जग में सो अति सुख पावे ॥

जाको व्याधि सतावै भाई।
जाप करत सब दूर पराई ॥

जो नर अति बन्दी महँ होई।
बार हजार पाठ कर सोई ॥

निश्चय बन्दी ते छुटि जाई।
सत्य वचन मम मानहु भाई ॥

जापर जो कछु संकट होई।
निश्चय देविहिं सुमिरे सोई ॥

जा कहं पुत्र होय नहिं भाई।
सो नर या विधि करे उपाई ॥

पाँच वर्ष जो पाठ करावे।
नौरातन महँ विप्र जिमावे ॥

निश्चय होहिं प्रसन्न भवानी।
पुत्र देहिं ता कहँ गुणखानी ॥
ध्वजा नारियल आनि चढ़ावे।
विधि समेत पूजन करवावे ॥
नितप्रति पाठ करे मन लाई।
प्रेम सहित नहिं आन उपाई ॥
यह श्री विन्ध्याचल चालीसा।
रंक पढ़त होवे अवनीसा ॥
यह जनि अचरज मानहुँ भाई।
कृपा दृष्टि जापर हुई जाई ॥
जै जै जै जग मातु भवानी।
कृपा करहु मोहि पर जन जानी ॥

¹ सौजन्य से:

धर्मयात्रा (DharmYaatra)

वेबसाइट: <https://dharmyaatra.in/>

व्हाट्सएप नंबर: +917410957600

नोट: यदि आप वैदिक ज्ञान 🙏, धार्मिक कथाएं ॐ, मंदिर व ऐतिहासिक स्थल 🏛️, भारतीय इतिहास, शारीरिक व मानसिक स्वास्थ्य 🧠, योग व प्राणायाम 🧘, घरेलू नुस्खे 🍲, धर्म समाचार 📰, शिक्षा व सुविचार 👣, पर्व व उत्सव 🪔, राशिफल 🌌 तथा सनातन धर्म की अन्य धर्म शाखाएं 🌀 (जैन, बौद्ध व सिख) इत्यादि विषयों के बारे में प्रतिदिन कुछ ना कुछ जानना चाहते हैं तो आपको धर्मयात्रा संस्था के विभिन्न सोशल मीडिया खातों से जुड़ना चाहिए। उनके लिंक हैं:

[व्हाट्सएप ग्रुप](#)

[व्हाट्सएप चैनल](#)

[फेसबुक पेज](#)

[इंस्टाग्राम प्रोफाइल](#)